



HEINRICH TIMMEREVERS
DRJEŽDŽANSKO-MIŠNJANSKI BISKOP

PASTYRSKE SŁOWO

składnostnje wozjewjenja studije „Seksuelne znjewužiwanje“ přez katolskich měšnikow, diakonow
a muskich rjadnikow we wobłuku Němskeje biskopskeje konferency“

30. septembra 2018

Zawod přez předstejićerja eucharistije:

Naš biskop Heinrich Timmerevers wobroća so na spočatku tuteje Božeje mše z wurjadnym pastyrskim słowom na wšě wosady a institucije našeho biskopstwa. Příkladina je zašlu wutoru předstajena a w nadawku němskich biskopow zdžělana studija „Seksuelne znjewužiwanje maľolětnych“ přez katolskich měšnikow, diakonow a muskich rjadnikow we wobłuku Němskeje biskopskeje konferency“.

Prošu posydńće so wokomik!

Biskopske słowo

Lube sotry a lubi bratřa,

mje je porazyło a mje jara boli:

Wuslědki studije, kotraž bu dočasne z medijow znata, nam bolostnje wuwědomjeja, zo njeběchu klerikarjo a rjadnicy našeje cyrkwe při škiće džěci a młodostnych dosć kedźbliwi a zo su husto hdy na woħańbjace wašnje zaprajili.

Widźimy, zo su wot seksualneho znjewužiwanja potrjecheni ludžo najħlubšo zranjeni a zo njemōza wo tutech nazhonjenjach rěćeć. Dožiwjeny njeskutk poćežuje jich husto hdy čas žiwjenja jara.

Hladajo na ćezu njemōžu to lochko wuprajic, a tola chcu to sformulować: Za našu diecezu prošu wopory wo wodaće.

Wěm, zo tele słowa njedosahaja. Potrjechenym plaći naša kedźbnosć a naša podpěra. Biskopstwo poskićuje dale potrjechenym składnosć k dokładnemu předžěłanju a přewodženju. Tež ja steju k wosobinskej rozmołwje k dispoziciji.

Nas wšech zastróža, zo bě a je mjez tymi, kotřiž su powołani, Dobre poselstwo wozjewjeć, přez lětdžesatki po wšej Němskej telko wobwinowanych a skućicelow. Hańbuju so za to, zo su klerikarjo a rjadnicy čłowječu hódnotu džěci, mlodostnych a škitej doporučenych z nohami teptali.

Čujemy so tule jako biskopstwo ke konsekwentnemu wujasnjenju zawjazani, kotrež zapřija samozrozumliwje zhromadne džělo ze statnymi zarjadami. W kóždym padže plaći naše prócowanje škitej woporow a steji před škitom institucije.

Lube sotry a lubi bratřa, někotre rezultaty, kotrež so w zjawnym měnjenju z tuteje studije wotwožuja, nas počěžuja. Nimo njezapřimlanych přeńdženow samo na sebi hroža polěkować k tomu, zo so wěra strase a klimu njedowěry šěri. Wostańmy kedźbliwi, dowěrmj, zo je to wěrnosc, kotraž nas wuswobodža (Jan 8,32), a džělajmy na tym, zo so znjewužiwanju w kóždejškuli formje zadžěwa.

W přichodnych měsacach budže naš nadawk, zo so z wuslědkami kompleksneje studije rozestajamy a dalše konsekwency scěhnjemy. Powjedzemy swoje wobšěrne prócowanja dale, kotrež smy w zašlych lětach we wobłuku prewencije we wosadach a zarjadniščach biskopstwa přewjedli.

Džakuju so wuraznje wšěm, kotřiž su so aktiwnje zasadželi. Myslu wosebje na Was, na mnohich čestno- a hłownohamtskich w našich wosadach, kotřiž sće so na přikład w prewenciskich dalekubłanjach sensibilizować dali, zo bychu so naše cyrkwinske městna z městnami wzajemneje kedźbliwoscě stali. Čłowječa dostojnosć dyrbi w našich wosadach njezranjomna wostać!

Prošu Was, zo byšće w tutym prócowanju pokročowali. Podpěrajće mje, swojich měšnikow, diakonow, pastoralne sobudželaćerki a pastoralnych sobudželaćerjow, wšech čestnohamtskich a zamołwitych w tym, zo bychmy zhromadnje Chrystusa w tutym swěće wěryhódnje wobswědčeć móhli. Přilubjam Wam, zo chcu z Wami po tutym puću njemyleny dale kročić.

Prošu Was, zo byšće so nětko pozběhnyli a we wokomiku ćišiny na wopory spominali a so za nje pomodlili.

ćišina

Cyrkej je zhromadnosć, tež to pytnjemy w tutym času: Přeńdženja jednotliwcow padnu na wšu zhromadnosć wróco. Přeprošuju Was, tež zastupnje za wšě stawy cyrkwe, wuznaće winy so modlić.

Wuznaće winy (forma A)

„Wuznawam ...“

Kyrie